



UNIVERSITÄTS-
BIBLIOTHEK
PADERBORN

Universitätsbibliothek Paderborn

Het Leven Ende Mirakelen Vanden H. Ende Honichvloeyenden Leeraer Bernardvs

Verstock, Gasparus

T'Hantwerpen, 1650

Cap. 3. Van sijn neersticheyt tot bevvarenisse der suyverheyt.

urn:nbn:de:hbz:466:1-37315

lesen/ als sy hoorzen: Per Passionem & Crucem tuam, libera nos Domine, heeft haer handen opgheheben om een Cruys te maeken/ maer eer't volmaecht was is den gheest uyt 't lichaem gheschepden / soodat sy den tijdt niet en hadde om de opgheheben handt neder te legghen.

CAPITTEL III.

Van sijn neersticheyt tot bewarenisse der suyperheyt.

Van desen tijdt af heeft hy op sijnen eyghen cost beghinnen te leven. Hy was een jonck Edelman uytnemende schoon van posture/ seer lieflijck van aensicht/ soet van manieren/ minnelijck in spreken/ scherp van verstandt/ liefghetal in conuersatie/ groot van verwachtinghe by een-eghelijck. De werelt heeft hem veel meghen ghetoot om in te gaen / hier om met andere Edelmans den crjgh te volghen / daer om vaghelijck ter iacht te gaen / ghinder om naer hooghe ende treffelijcke officie te trachten. De ionghe Edelmans daer hy mede berkeerden/ waeren seer verscheyden van sijn ghestichtighe maniere des lebens / dese en spaerden gheen woorden om hem tot haere lichtheerdighe manieren te

Sijnen edelē aert.

Hy vwort ghelockt vande vve-reldtsche vvellustē.

treck

vrecken/ welcke waert dat hy ghebolghe
 hadde/ soude hem noodigh ghetweest heb-
 ben / achter te laeten de liefde tot de
 maeghdelijcke supberheyt / die hy van
 kindtsche daghen af met groote neersti-
 cheyt heeft ghesocht te bewaeren : dit
 wel wetende den helschen bypandt heeft
 alle listen ende laeghen ghebruyckt om
 hem dese kostelijcke blom af te nemen /
 maer en heeft niet connen uptrechten:
 Want op eenen sekeren tijdt/ heeft hy sijn
 ooghen wat te veel toe-ghegeven en de
 selbe wat byjer als de wel-ghemaniert-
 heyt toe-laet / op een onghelijck persoon
 gheslaghen / d'welck soo haest hy ghe-
 waer is gheworden (in sijn selben be-
 schaemt zijnde) heeft daer ober groote
 waeck ghenomen met te springhen in
 een stil-staende water dat begost te be-
 vriesen/ in d'welck hy tot den hals toe soo
 lanck heeft blijven staen/ dat hy by-nae
 in onmacht viel / waer naer het ghe-
 schiedt is dat hy door de mede-werken-
 de gratie Godts ghehelemael verkout
 is in vleschelijcke begeerten / aen-trec-
 kende de selue gheneghentheydt tot de
 supuerheyt / de welke aenghetrocken
 hadde den ghenen die seyde : Ick hebbe
 een verbondt met mijn ooghen ghe-
 maect om dat ick niet eens op een ma-
 ghet soude peysen.

Straffe
 sijnder
 onbe-
 hoore-
 lijk
 ghesicht.

Ontrent den selven tijdt als hy slaep-
 pen ghegaen was / isser / dooz t' ingheben
 des duyvels / een naeckte onbeschaemde
 dochter op sijn camer gecomen ende ne-
 fens hē in 't bedde geleghen / de welcke hy
 ghewaer wordende heeft hem met groote
 stille op d'andere sijde ghekeert en alsoo
 gheslaepen / maer dese lichtbeerdighe
 dochter heeft hem tot oneerlijckheyt
 soecken te vertwecken / en siende dat sy
 moeyte booz niet dede / (al was sy seer
 onbeschaemt) is dier tijdt beschaemt
 geworden / waer om sy met groote breese
 bevanghen ende seer verwondert wesen-
 de is opghestaen ende wegh-ghelooopen.
 Niet lanck hier nae heeft hy eenen ande-
 ren aenstoot gheleden ; t' was te doen op
 de reyse als hy met sommighe jonge E-
 delmans t' sabonts inde herberghe
 quam / de weerdinne ober taefel siēde dat
 hy een wt nemende schoon ende lief- ghe-
 tal jonckman was / is met onbehoor-
 lijcke liefde ontsteken gheworden / maer
 om de selve wt te wercken / heeft sy eenen
 bequaemen middel ghebruēckt ; want sy
 heeft hem een camer alleen ghegheven
 als wesende den treffelijcsten van t' ghe-
 selschap. Als nu een-iegheelijck hem tot
 de ruste begheben hadde ende de keersē
 wt-ghedaen waeren / heeft sy in 't don-
 ker allēng hewaect om haer onbe-
 schaems

Sijn vvt-
 nemende
 sijn ver-
 heyde.

III

28

Hy vort
driymaels
van een
oneerbae-
re vrou-
we be-
vochten.

schaemt booznemē wt te wercken. Een
ure daer naer is sy met groote stilte inde
slaep-camer van BERNARDVS ghe-
comen en by hem op t' bedde gheballen/
d'welck hy gewaer wordende/ heeft ter-
front met luyde stemmen gheroepen:
dieben/ dieben; waer af de vrouwe ver-
baert sijnde is haestelijck wegh-
gheloopen / en al die in huys waeren
sijn op-ghestaen / hebben vier gheslae-
ghen / de keersē ontfsteken ende t' gheheel
huys dooz de dieben ghesocht / maer
gheen ghebonden hebbende is een-ieghe-
lijck wederom te bedde ghegaen. De
weerdinne was met sulckenen vierighen
brandt ontfsteken dat sy niet en coste ru-
ssen / en is dooz de t'weede reyse by hem
in't bedde ghecomen / die wederom be-
gost te roepen : dieben / dieben; de vrouwe
liep wegh en het gheheel huys ghesin is
wacker ghewordē / die noch eens op-ghes-
staen / licht gheslaeghen / de keersē ont-
steken / ende de dieben ghesocht hebben/
maer gheen bindende / sijn wederom slaep-
pen ghegaen. De onbehoozelycke liefde
deser weerdinne was noch niet gheblust/
die dooz derde reyse by hem is gecomen/
om haeren vleeschelycken lust te volbreng-
ghen / ende t'selfste isser ghebeurde als
vozen ; soo dat sy haer ghemoet liet sinte-
ken ende booz-nemen niet heeft kunnen
hol

Capittel I V.

15
 volbzenghen. S'mozghens als hy mee
 sijne mede-ghesellen op-ghestaen was /
 hebben haer verteerde kosten betaelt /
 en de reyse aen-ghenomen. Ober wegh
 t'saemen contende hebben sy hem ghe-
 bzaeght waster den voozleden nacht ge-
 schiedt was dooz dien hy tot dzy reysen
 toe hadde gheroepen : dieben / dieben /
 daer nochtang in hups gheen ghebon-
 den en wierden. Hy heeft haer gheant-
 waardt / dattet gheenen droom gheweest
 en hadde / maer waerachtighe dieben die
 sijnen kostelijcken schadt der maeghde-
 lijcke superhepdt meynden te stelen.

CAPITTEL IV.

Van sijn goet voor-nemen om Re-
 ligicus leven aen-te-nemen.

ALs BERNARDVS alle dese perijc-
 kelē ontcomen was; soo heeft hy by
 sich selven seer rypelijck oberpeyst / niet
 salich te wesen / langer de ydelhepdt der
 werelde te volghen / hy aenmerckten wel
 hoe lieffelijck dat sy hem aen-loecten / en
 allen haere belooften maer ydelhepdt
 ende bedrieghelijcke ghenuchten en wae-
 ren. Als hy met dese en dier-ghelijcke
 ghedachten besich was / hoorde hy de
 opperste

Verfmaect
 de vve-
 reldt.